



Broj: 09/2-3-16-4-11994-3/16
Sarajevo, 18.07.2016.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrdenog u zapisniku broj: KJN-16-4-int-1521/16 od 06.07.2016. godine, u postupku javne nabavke izbora najpovoljnijeg izvođača radova na II fazi klimatizacije dijela objekta MVP BiH,
d o n o s i m:

O D L U K U

o poništenju postupka javne nabavke

Poništava se postupak javne nabavke izbora najpovoljnijeg izvođača radova na II fazi klimatizacije dijela objekta Ministarstva vanjskih poslova BiH, iz razloga što niti jedna ponuda nije prihvatljiva a u skladu sa članom 69. stav (2) tačka d) Zakona o javnim nabavkama.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-765/16 od 07.04.2016. godine, u kojoj je predviđeno da je procijenjena vrijednost javne nabavke bez PDV-a 179.487,18 KM, odnosno sa PDV-om do 210.000,00 KM.

Obavještenje o nabavci br: 253-1-3-29-3-3/16, objavljeno je na Portalu javnih nabavki dana 13.06.2016. godine, a sažetak obavještenja o nabavci objavljen je u Službenom glasniku BiH br: 45 od 17.06.2016. godine, na osnovu kojeg je proveden otvoreni postupak nabavke usluga za potrebe Ministarstva vanjskih poslova BiH.

Komisija je utvrdila da su pristigle ponude ponuđača:

1. "GRIJANJEINVEST" d.o.o. Pale;
2. "JOKIĆ-INVEST" d.o.o. Zvornik,

zaključno sa rednim brojem 2 (dva).

Analizirajući pristigle ponude, Komisija je utvrdila sljedeće:

- Pregledom i analizom dostavljenih dokumenata Komisija je utvrdila da ponuđač Jokić-invest d.o.o. nije dostavio Izjavu iz Aneksa IV tenderske dokumentacije na propisan način, odnosno ista nije ovjerena kod nadležnog organa (organ uprave ili notar) kako je traženo tačkom 3.2. U skladu sa odredbama člana 45. stav (4) Zakona o javnim nabavkama („Službeni glasnik BiH“, broj 39/14) propisano je da je kandidat/ponuđač dužan dostaviti izjavu ovjerenu kod nadležnog organa.
- Ponuđač Jokić-invest d.o.o. nije pravilno označio stranice. Stranice su označene od broja 1 do 55, zatim slijedi neoznačena stranica i sljedeća označena je broj 56. Kako je odredbama člana 8. stav (7) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) propisano da ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji, to je Komisija ocijenila ponudu ponuđača Jokić-invest d.o.o. kao prihvatljivu, prema obliku, sadržaju i potpunosti, iz zapisnika sa otvaranja ponuda.
- Tačkom 3.5. tenderske dokumentacije u svrhu dokazivanja uvjeta iz čl. 48 – 51. Zakona o javnim nabavkama, ponuđač je bio dužan dostaviti sljedeće: potvrdu o izvršenim radovima (original ili ovjerena kopija), sa ukupnim vrijednostima, izdatu od strane investitora; izjavu ponuđača koja sadrži spisak cjelokupne opreme koja će biti ugrađena sa nazivom proizvođača, te posebno naznačiti da sva oprema koja će biti ugrađena posjeduje CERTIFIKAT ISO 9001:2000 i ISO 14000:2004 i spisak ovlaštenih servisa sa adresama.
- Analizom dostavljene dokumentacije, Komisija je utvrdila da ponuđač Jokić-invest d.o.o. nije dostavio naprijed traženo, te da je isti dostavio referentnu listu o obavljenim poslovima, ali ne i traženu potvrdu od strane investitora. Umjesto dostavljanja potvrde investitora o izvršenim radovima, ponuđač Jokić-invest d.o.o. je dostavio izjavu o realizaciji ugovora gdje je navedeno da se dostavlja naslovna strana zadnje privremene situacije predmetnog ugovora ovjerene od strane investitora, ali ista nije dostavljena.

Dakle, analizom ponuda i dostavljene dokumentacije, Komisija je utvrdila sljedeće:

1. Ponuđač Grijanjeinvest d.o.o. ispunjava sve zahtjeve u pogledu opisa predmeta nabavke i tehničkih specifikacija ponude, te se navedena ponuda ocjenjuje kao prihvatljiva.
2. Ponuđač Jokić-invest d.o.o. se isključuje iz daljnjeg učešća zbog neispunjavanja uslova za kvalifikaciju, u skladu sa tačkom 3.6. tenderske dokumentacije, iz razloga nedostavljanja dokaza u pogledu tehničke i profesionalne sposobnosti ponuđača.

Kako je predviđeno Odlukom o pokretanju postupka broj 09/2-3-int-765/16 od 07.04.2016. godine, procijenjena je vrijednost javne nabavke bez PDV-a 179.487,18 KM, odnosno sa PDV-om do 210.000,00 KM za izbor najpovoljnijeg izvođača radova na II fazi klimatizacije dijela objekta MVP BiH. Procijenjena vrijednost ponude ponuđača Grijanjeinvest d.o.o. sa popustom

bez PDV-a iznosi 200.000,00 KM, što je više od sredstava predviđenih gore pomenutom Odlukom o pokretanju postupka.

Iz navedenih razloga, primjenom člana 69. stav (2) tačka d) (nijedna od primljenih ponuda nije prihvatljiva), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DOSTAVITI:

1. Svim učesnicima u postupku javne nabavke;
2. Evidenciji a/a.

